

SPR Warta Keputusan PRU-13 Hari Ini
mStarOnline
22 Mei, 2013

PETALING JAYA: Suruhanjaya Pilihan Raya (SPR) mengumumkan keputusan Pilihan Raya Umum Ke-13 (PRU-13) telah diwartakan pada Rabu.

Sehubungan itu, SPR menggesa mana-mana pihak yang mempunyai sebarang rungutan supaya tampil bagi mencabar keputusan tersebut.

Pengerusinya, Tan Sri Abdul Aziz Mohd Yusof berkata, parti yang tidak berpuas hati boleh menfailkan petisyen di mahkamah tinggi.

"Mereka mempunyai tempoh selama 21 hari untuk berbuat demikian, bermula esok," katanya pada kenyataan media, petang Rabu.

Dakwaan mengenai wujudnya penipuan dalam pilihan raya termasuk pengundi hantu dan masalah dengan daftar pemilih dan aduan mengenai dakwat kekal pada hari mengundi, 5 Mei lalu.

Terdahulu, parti pembangkang berkata mereka akan mencabar keputusan di 29 kerusi Parlimen yang didakwa akan menjejaskan kewajaran Barisan Nasional (BN) untuk membentuk kerajaan.

BN mengekalkan kuasa untuk mentadbir negara selepas memenangi 133 daripada 222 kerusi Parlimen.

Hakcipta Terpelihara © 1995-2013 Star Publications (Malaysia) Bhd

Source:

http://mstar.com.my/berita/cerita.asp?file=/2013/5/22/mstar_berita/20130522185312&sec=mstar_berita